



Шошо эл, порымик да гим веер!

42-шо (3326) №,
2017 ий 14 октябрь,
шуматкече.

ЯМДЕ-ЛИЙ

1933 ий 1 февраль годсек лектеш.

0+

Тек кажне йоча таза лиеш

5 октябрьште Йошкар-Олаште ВТБ банк «Түня – шинчавуд деч посна» поро кумылым ончыктышо акцияым эртарен. Банк Республикысе йоча эмлымырын реабилитаций отделенийжылан медицине оборудованийым налаш ик миллионат вичшудо тужем тенге оксам пуэн.



Авторын фотожо.



«Ласкан малыза, нбогавлак!» телепередаче гыч Хрюша, Степашка, Каркуша да Буратино, передачын икымше вудышыжө, нине герой-влакым йукандыше Наталья Голубенцева дене пырля весела кумылым полеклышт.

*Ребята!
Не забывайте нас
когда вырастаете!
Степашка, Хрюша,
и Н. Голуб.*

Пайремын икымше ужашыже залыш погынышо калыкым йоча пагытыш портылтыш. Шоколадка клоун (композитор да йоча мурын авторжо Владимир Щукин **(снимкыште)** йоча-влакым куштыктыш, мурыктыш, модыктыш. Түнямбал классан спорт мастер, «КАМАЗ-мастер» командын пилотшо Антон Шибалов викториным эртарыш, ойыртемалтше-влаклан полекым кучыктыш.

– Тиде окса дене тренажёрным налашна, – ойлыш Республикысе йоча эмлымырын түнн врачше Т.А.Бастракова пресс-конференций годым. – Оборудований ДЦП черан, инсультым чытен лекше икшыве-влаклан моткоч күлешан. Тыгай черан йоча-влак республикыштына шагалын огытыл.

Л.ГРИГОРЬЕВА.

2018 ийын
1 пелыжлан
подписке кая.
«Ямде лийлан»
возалташ вашкыза!
Индекс – П4696.
Ак – 298 тенг.
80 ыр.
«Почта России»
каталогышто муыда

**Вашка ялыш юзо вий,
Кажне суртлан күлеш лий.
Сай увер, мутетше ший,
Йораталме «Ямде лий»!**

Электрон подпискылан
89093687726 номерышке (Билайн)
150 тенгем пыштыза. Вара
emanova.anf@mail.ru
адресышке серылым колтыза. Тушто фамилийдам, лумдам да электрон адресдам ончыктыза.

«Ямде лий» - сай газет!

Увер выр-выр





Сочиште – фестиваль

Таче Сочиште Молодёжь да студент-влакын XIX Тўнямбал фестивальышт почылтын. Тушко тўнямбалсе 150 эл гыч 20 000 самырык ег погынен. Тыгак фестивальыш 67 эл гыч 5000 волонтер ушнен. Тыгайже икымше гана лийын. Марий Эл Республик гыч 125

ўдыр-рвезе да 40 волонтер каеныт. Марий Эл нерген палдарыше выставке пашам ышта.

Фестивальын эн тўн меропрятийжылан молодёжь дене пашам ыштыше вуйлатыше-влак дене вашлиймаш шотлалтеш. Тылеч посна ўдыр-рвезе-влакым арт-рўдер вуча, кинофорум, футбол дене чемпионат, ий ўмбалне мунчалтымаш дене мастер-класс да молат эртаралтыт.

Фестиваль 22 октябрь марте шуйна.

Л.ГРИГОРЬЕВА.

Молодёжь

да студент-влакын икымше Тўнямбал фестивальышт 1947 ийыште Прагыште эртен.

X 1957 ийыште Москваште VI Тўнямбал фестиваль лийын. Тушко 34 тўжем ег погынен. Историйыште эн кугу чотанлан шотлалтеш.

XII фестиваль: 1985 ий, Москва.

Лицей илыш

Тений Ургаш лицей-интернат шке омсажым латнылымше гана почын. 9-ше классышке ўдыр-рвезе-влак кок направлений дене тунемаш пуреныт. Конкурс кугу лийын. Тунемаш пурен кертше-влак коклашке мият логалынам. Тидлан пеш куаненам. Мый изинек эмлызе лияш шоненам.

Класс вуйлатышына Любовь Николаевна Лаптева мемнам пеш шокшын вашлийын. Тунемше-влак тўрлў район гыч улыт. Лицейын президентшылан Лана Зайцева сайлышна.

Валентина КУШАКОВА.
Советский район.

Марий Элыште 2960 эн ОРВИ дене черланен. Прививкым ыштыза!



Сўан йўла

Идым тылзын 29-ше кечынже Киров областысе Малмыж олаште краевед-этнограф-влакын регион-влак кокласе 10-шо слёт-фестивальышт лие. Тений тудо тўрлў калыкын сўан йўлажлан пўлеклалтын.

Икымше конкурсышто ме Арбор кундемна

нерген почеламутым лудна, мурен куштышна да икымше верым нална. Сўан йўлам ончыктымаште 3-шо, викториныште 2-шо лийна.

Марий Турек, Арбор.

Диана СЕМЁНОВА.

Кросс

Школысо шыже кроссышто 45 йоча тагасен. Рвезе-влак коклаште Данил Васильев икымше лийын. Мария Ильина ик менте уштышым эн писын куржын. Тагасымашым тренер Ю.Р. Александров да физкультурым туныктышо Е.Н. Гаврилов эртареныт.

Анатолий АЛЕКСАНДРОВ.

Морко, Шўргыял.

Сысоево кыдалаш школын икымше классышкыже лу ий ончыч тунемаш толынам. Тыште мый келге шинчымашым налынам, йолташ-влакым муынам. Кажне туныктышо лишыл да шерге. Шушаш ийын йўратыме школем дене чеверласаш логалеш.

Марий Турек район.

Юля ВОЛКОВА.

Марий Элысе национальный книгагудо 1982 ий гыч

Чавайн тукум шуйна
С.Г.Чавайнын лўмжым нумалеш. Кодшо кугарнян, 6 октябрьыште, тыште Чавайнын кабинетшым почмо.

Калык коклаште изи рвезе, кочажын кидшым кучен, йыраваш ончышт кошто. Йонгалтше почеламут-влакым тўткын колышто, Сергей Григорьевичын бўстшо ончылан пеледышым пыштыш, тошто пўкеныш шинчын, печатлыме машинкым тўкалтен ончыш. Тиде Матвей Чавайн. Тудлан 7 ий, Йошкар-Оласе 11-ше номеран лицейын 1-ше классышкыже коштеш. Кугезе кочаже – йўратыме писательнан уныкаже Сергей Юрьевич Чавайн (нуным снимкыште ужыда).

Л.СЕМЕНОВА.



Р.НИКОЛАЕВАН фотожо.



**Пагалыме
Светлана
Дмитриевна!**
**Лүмгечет дене шок-
шын саламлена.
Сылнымут пашат дене
марий лудшым ончыкы-
жымат куандаре.
Кужу ўмыран,
таза лий.**

ЭЧУК: Марий Эл Республикысе тўвыран сулло пашаенже, Марий Эл писатель ушем правленийын председателыже **С.Д.ГРИГОРЬЕВА-СОТО** 50 ияш лүмгечыжым палемда.

ПАМПАЛЧЕ: Светлана Дмитриевна «Ямде лий» газет редакцийыште 17 ий пашам ыштен. Айда тудын дене лишкырак палыме лийына.



«КАЛЫК ПЕЛЕН УЛАМ ПИАЛАН»

– *Жап эртымеке, йоча пагыт эре порын шарналтеш. Те могай койыш-шоктышан и к ш ы в е кушкында?*

– Мый Шерну районусо Йошкар-

Памаш ялыште шочынам. Изи годым энгыжым погаш йоратенам. Ме ешыште кандаш икшыве лийынна, көжө сурт сомылкам ышташ кодын, а молышт чодыраш каенна. Колым кучаш келша ыле. Йолташлан пошкудо Людам але Нинам налаMAT, тоштемше тюлым шупшын, тыгыде колым кученна. Кенжежым чўчкыдынак комбо ороп лияш логалын. Тыгак шольошўжар-влакым эскерыме. Изинек кочкаш шолташ тунемме. Тыгай сомыл-влак илышлан ямдыленыт.

– *Йоча газет дене кылым кучаш мо кумыланден?*

– Изинек книга-влакым лаштыклаш йоратенам. Эреак лудын моштымем шуын. Мом тушто возымым палаш тыршенам. Эля

акам деч йодам ыле: «Лудын пу!» «Шке луд!» – садет манеш. Тыге шкаланем лудаш тунемаш логалын. Школмыш кайымеке, сочиненийым возаш келшен. Нылымше классыште тунеммем годым марий йылмым да литературым тунуктышо, поэтессе Зинаида Васильевна Ермакова мыланем сочинением уло класс ончылно лудыктен. «Визытанлан» кумыл нўлталтын. «Ямде лийыште» заметкем тунамак савыкталтын. Тышечын вашкыл пенгыдемьын. Кажне шуматкечын газетын толмыжым изин-кугун вученам. «Призыв» район газетыште «Пырыс» почеламутем 1979 ийыште савыкталтын.

– *Сылнымут саскада тўвыргў лектышан.*

– Кызыт марте чылаже 20 книга савыкталтын. Тиде кечылаште йоча-влаклан возымо «Кушто вич тум-тум?» сборник савыкталташ. Тушто - почеламут, муро, шотлеммут, йомак да сценарий-влак. Чылаже 250 утла муро ош тўняш лектын. Школлаште сценарием кучылтыт. Куанем: ыштыме пашам арам огыл.

– *Самырык тукымлан мом тыланеда?*

– Кажне ўдыр-рвезылан каласыме шуэш: йўнда лийме семын, тўрлў элым ужын кошташ тыршыза. Тыге тўняумылымашда вашталтеш. Шочмо да руш йылмылам шымлыме деч посна англичан йылмым тунемаш кўлеш.

Д.ГРИГОРЬЕВА мутланен.



Тутло мўйым авызла, Телым мала азала.

Шем вынемыште ласка, Тек нула чапам ...

Лийже тудлан сад-пакча, Кушто кешыр-влак лачак, Но ок кўл йыран – мўран, Лўдын чытыра ...

Янлыкым пале

Вўд воктене лын паша, Огеш код вўдеш кыша. «Я лият мылам тый кум дыр?» – Йодо икте, тиде ...

Укш гыч укшышко тўрштен, Пуйто чонешта ўрткен. Коеш кўшнў выр да вур Изиде веле шкеже ...

Кажнымат чот лўдыкта, Ок чакемде кўдыкшат. Вашлияш гын, ынже пўрў, Эн осал да шучко ...

Ужгажат мотор моткоч, Ёжара гай рыжле поч, Толеш ялыш йывыж-йывыж, Куча чывым чоя ...



Светлана ГРИГОРЬЕВА.

Йошкар-Ола деч 2000 наре менге коклаште Ханти-Мансийск ола верланен. Тудо Хант-Манси автоном округ-Югран рүдыж. Тыште 124 национально-стан калык ила. 33 тўжем 807 енге - Йүдвельште илыше изи чотан тўп калык.

Лач тиде мўндыр кундемыште Россиясе финн-угор прессын VIII фестивалъже эртен. Тушко ХМАО-Югра, Пермь край, Удмурт, Мордовий, Коми республика гыч журналист-влак чумыргеныт. Марий Эл гыч Печать да массовый коммуникаций управлений вуйлатыше В.А.Маркин, «Марий Эл» газетын ответственный секретарьжын алмаштышыже Д.И.Речкин, «Кугарня» газетын директор-тўн редакторжо Э.А.Иманаев да мый, «Ямде лий» газетын пашаенже, миенна.

ФОТОШТО ШОЛА ГЫЧ ПУРЛАШКЕ: Э.Иманаев, А.Эманова (Марий Эл), И.Самсонова (ХМАО-Югра), Г.Макарова (Коми Республик), У.Данило (ХМАО-Югра), В.Маркин (Марий Эл).



Сонарзе да колызо-влакын пёртышт.

Сандене мемнам Ханты-Мансийск олаште почмо Кава йымалысе тоштерыш намайышт. Тыгак спортын телымсе видше дене А.В.Филиппенко лўмеш рўдерыште лийынна. Тушто биатлон дене модмаш эртаралтеш.

Хант д е н

манси калык-влак тайга коклаште стойбищылаште илат. Иктажшым ончаш самолёт але вертолёт дене

Мўндыр корно, лишыл родо

Финн-угор журналист-влак тыгай фестивалыш кок ийлан ик гана чумыргат. Ушем «Содружество финно-угорских журналистов» маналтеш. Тудым «Чилисема» йоча журналын (Мордовий) тўн редакторжо Н.И.Ишуткин вуйлата.

Ме национальный журналистикын тўрлө калык коклаште келшымашым вианген кертмыж нерген канашенна. Икте-весе нам паша опытна дене палдаренна. Мутланымаш гыч раш лие: финн-угор журналист-влакым икгай йодыш-шамыч тургыжландарат – кузе лудшым ешараш, шочмо йылме дене возышо журналистым кузе кушташ.

IX фестивалымы 2019 ийыште Мордовий Республикын рўдолоштыже - Саранскыште - эртараш темлыме.



«Лыланг союм» («Живой ручеёк») йоча рўдер.

Журналист-влак кокласе конкурсыш 100 утла паша пурен. «Ямде лий» газет редакцийна «Йоча да самырык-влаклан прессе» номинацийыште посна диплом дене палемдалтын. Фестивалыштак «СМИротворец 2017» конкурсын Урал кундем федерал округысо этапшын иктешлымашыже лийын.

Ончыч «Ханты ясанг» («Хантын мутшо») газет «Ленин корно дене» лўман лийын. Тудын лекташ тўналмыжлан – 60 ий. Фестиваль жапыштак икымше редактор Г.Лазаревын шочмыжлан 100 ий теммым палемдышт. «Ханты ясанг» ден «Луима сэрипос» («Йүдвел ўжара») газет-влакын ушым редакцияштым вуйлатыше Раиса Решетниковалан Йүдвелын, Сибирьын да Мўндыр Эрвелын изи чотан калыкше-влакын ассоциацийыштын наградыжым, «За верность Северу» медальым, кучыктышт.



Кидмастар омыж гыч кўвар шартышым пидеш.

А.ЭМАНОВА. Д.РЕЧКИНЫН фотожо-влак.

Еш пыжаш



Синжвейн

Шўжарем
Изи, мотор.
Мура, модеш, кушта.
Мый тудым пеш чот йоратем!
Кугешнымаш.
Диана ТОПОРОВА.
Советский, Орша.

Мыйын уло шўжарем,
Пешак тудым йоратем.
Куш ом кае, куш ом лек –
Эре тудым вел шонем.

Ксения ИРКАБАЕВА.
Пошкырт, Мишкан, Чорай.

Мыйын Кокшародо ковам
тений лўмгечыжым палем-
ден. Тушко мурызо-влак:
В.Краснов, С.Устюгов,
Э.Токташева – толыныт ыле.
Мыят ковамым саламлышым.

Юля ГОРОХОВА.
Кужэнгер, Конганур.

😊😊😊 – Ковай, айда тылат шергашым налын
пуэм. Мый ик тенгем муынам. 😊😊😊



Ака ден шўжар

– Ой, ой, мый тиде
маска деч лўдам! –
Чавайнур этнографий тоште-
рыште (Морко район) ончен
коштшо ўдыр-рвезе-влак
коккла гыч ўдыр акаж дек
пызныш.

– Ит лўд. Маскаже чонан
огыл вет, чучыл! – кугурак
ўдыр тудым ондале. Мане: –
Мыйын лўмем – Кристина, а
тиде Василиса шўжарем. Ме

Звенигово район Эсмекпляк школышто тунемына.
– Семейдаже кузе? Газетыш тыге возен ом кертыс-с?
– Крылова улына! – иканаште вашештышт ўдыр-влак.
– Акай – эн кугу йолташем. Мыланем урокым ышташ
полша. Теве школышто «Канзаши» кружок уло, тудым
Любовь Викторовна Максимова вуйлата. Акай тушто иктаж-
мом тунем толеш – вара мыйым тунукта.

Фотом ыштымем годым изи Василиса чучыл дек лишемаш
ыш лўд. Вет воктеныже – йоратыме акаже.

Авторын фотожо.

Наталья СЕМЕНОВА.

♥ Авам шуко жап йочасадыште пашам ыштен.
Кызыт мўнгыштў тўрлў сомылкам шукта. Мый авамым
йоратем да сай койышем дене куандараш тыршем.

♥ Авам кумло ийым эртен. Тудо але пеш самырык. Авам
библиотекештыште пашам ышта. Енг-влаклан книгаг пуэда,
лудаш кумыланга. Йоча-шамычымат лудаш тарата. «Книга –
тендан йолташда», – ойла.

Нина КУДРЯШОВА.

♥ Авамын лўмжў – Олеся Владимировна. Тудо моткоч
ласка, поро кумылан. Мый авайым пеш йоратем.

Анастасия ГАВРИЛОВА.
Карина НИКИТИНА.

Морко, Коркатово.

Вуй йырет
шоно да иже
ойло.

Енлан пол-
шымо вўдыш
ок кае.



Лий пеленем

Йоратем мый аваем,
Тудо сылне да ласка,
Шошо кече гай раштка.
Авам мыйым йората.
Кече гае ырыкта,
Лай мардеж гай шымата,
Он пеленже ондалеш,
Сангам шыман шупшалеш.
Мый лийнем авам воктен,
Йоратенак ондалнем.
Тек эре лиеш тыге лач:
Авам лийже пеленем.

Виктория ФЕОКТИСТОВА.
Марий Турек, Марий Купто.



Петя –
Сергейын эргы-
же, а Сергей –
Йыванын эргыже.
Йыванлан Петя кў
лиеш?

(Уныка,
эрге але
коча)



Порын шарнена

Кугу Ачамланде
сар нерген книгаг
лудаш йоратем.
Вара ачам ден
авамлан тўрлў йодышым
пуэдем. Авамын каласка-
лымыж гыч палем: кок
кугезе кочам – Никонор
Андреевич ден Петр
Никонорович Чузаевмыт –
да Филипп Михайлович
Михайлов чузаем Сталин-
град олам аралымаште
лўдде кредалыныт да
тушанак вуйыштым пыште-
ныт. Нунын лўмыштым
Мамаев Курганыште воин-
ский чап залын пырдыже-
шыже возымо. Авам тусо
кундемаш мийымыж годым
ужын. Родо-тукумемын
лўмыштым «Шарнымаш
книгашке» пуртымо.

Никита ЗАХАРОВ.
Волжский, Сотнур.



Чавайн тукым улына

Фоторепортаж

6 октябрьште Морко район С.Чавайн лүмеш литератур да этнографий тоштер-комплексыште Чавайн лудмаш эртен.



Н. СЕМЕНОВАН фотожо-влак.



Моло фотом vk.com/yamde_lii электрон адрес дене ончыза.

Ик фотоснимкын кышаж почеш

(Мучаш. Тўналтышыже – 7 октябрьсе номерыште.)

Михаил Рыбаков дене вашлийме деч вара эрлашыжым писатель-классикын ўдыржў Галина Чавайнлан йынгыртышым. Тудо телевиденийште режиссёрлан ышта ыле. 1978 ий 27 сентябрьште, вўргечын, редакцийште 8 шагат эрдене вашлияш ойлен келшышна. Галина Сергеевна палемдыме жапыште тольо. Шагат утларак кутырен шинчышна. Конешне, утларакше тудо ойлыш, а мый колыштым:

- Тиде снимкым, кушто ме нылтын ачана дене пырля улына, фотограф мўнгыштына ыштен. Ты кечым сайынак шарнем, тунам лу ияш лийынам. Тылеч вара 40 ий утла эртен каен. Жал, илышыже ынде мый да Толя гына кодынна. Толя 1923 ийыште шочын. Кызыт машиностроительный заводышто электриклан пашам ышта. Ныл йочаже уло, кумытшо ешангын, нине ешлаште вич йоча кушкеш. Анатолий почеш – мый. 1925 ийыште шочынам. Владимир эргым кызыт армийыште служитла, лейтенант.

С.Г.Чавайным 1937 ий 25 майыште арестоватленыт, вачке ешыжым пачер гыч поктен луктыныт. Ныл йочажым вўдалтен, Татьяна Алексеевна шочмо кундеммыш каен. Но вара шкенжымат поген нангаеныт.

Лена ўдыржў уло. Татьяна шўжарем мый дечем кок ийлан изирак ыле. Морко мландыште, ача-аванан шочмо кундемыште илен. Александр Ямблатовлан марлан лектын. Школышто туныктен, вара ачанан Чавайнур ялысе музей-пўртшым вуйлатен. 1975 ийыште ўмыр лугыч лийын. Вич икшывышт шочын, ынде кумытшо ешан. Нунын шкеныштын ныл нўогашт уло. Эн изина – Юрий. 1930 ийыште шочын. Эргыже, Серёжа, армийыште служитла, тудын Тая шўжарже музыкальный училищыште тунемеш.

Документлаште ончыктымочеш, Татьяна Алексеевна петырымаште ик талукат куд тылзе да 11 кече шинчен. Юмылан тау, элысе кўшыл органлашке «Нимогай сулыкemat уке, нимо осалымат ыштен омыл» манын сўрвален уэш-пачаш возымыжо полшен. А кученыт тудым Архангельск кундемыште, чодыра лонгаште. Ондак моло семынак чодыра пашаште орланаш тўкнен. Машинкедене печатлен моштымыжым пален налынытат, конторыш кагаз пашашке кусареныт. Укеж шенгеч тулык йочавлакым Изи Корамас ялыште кувавашт – С.Чавайнын аваже Татьяна Анисимовна – ончен.

Гельсий ЗАЙНИЕВ.

ПАМПАЛЧЕ: Кенез каникулым кузе эртарыме нерген возымо серышда-влак моткоч шуко пуреныт. Коеш, каныш жапыште шуко пайдале пашам ыштенда! Таче конкурсам иктешлена: сенгышыш Н.Заболоцкий лүмеш 2-шо номеран Шернур школын тунемшыже **Катя РЫБАКОВА (снимкыште)** лектын. Тудын возымо тичмаш сочиненийжым https://vk.com/yamde_lii ссылке дене лудса.



Кенезым мундыр шокшо элышке миен кошташ логалын огыл гынат, мый шочмо верыштем жапым пеш сайын эртаренам. Ик кечын Шереметев графын замокышко экскурсий дене миенам. Юрино посёлко шуко туристым вашлиеш. Тудо эн мотор Юл сереш верланен. Мемнам экскурсовод Ирина Юрьевна вашлийын. Тудо замок нерген каласкален. Мыланем куштымаш зал эн чот келшен.



Кова да коча деке ялышке унала миенам. Тушто пеш келшен: тымык, яндар юж, шудо дене үпшалтеш.

Катя РЫБАКОВА.

Конкурсш

Мый кенез каникулым пеш веселан эртаренам. Олыкъялыш коча-кова деке миенам, түрлө пашалан полшенам. Ялысе пүяште йүштылына. Кочай ден пырля колым кучаш коштынам. А кол шүржө могай тамле!

Саша ФИЛИПPOBA.

Кенезым ялыште

Кенез каникул годым ялыште шудым удыраш, пакчаште шүкшудым кұраш полшенам. Игече то шокшо, то йұран лийын. Йұран годым шүжарем дене коктын сүретленна, возкаленна, книгаг лудына. Школыш кайыме жапым пеш вученам. Вет шүжарем тений икымше гана парт коклаш шинчын.

Марина МИТКИНА.

1-ше номеран Морко школ.



Октябрьыште шыже лавырам тошка. Октябрьлан куэ чара кодеш.

Лышташ поран

Кундемшыкына адакат шыже толын. Кайык-влак, мемнан дене чеверласен, шокшо элышке вашкат. Нуным ончен, пушенгысе лышташ-влакынат чонешташ кумылышт лектеш. Мардежым сөрвалат: «Меат кайык семын чонештынена. Мардеж, вианрак пуал колто!»

Ик кастене виан мардеж чыла лышташым кұрыштын, пёрдыктен нангаен. Түрлө түсан лышташ-влак кайык семын торашке чонештеныт. Тыге лышташ поран тарванен.

Маша ОРАЗАЕВА.

Морко, Унчо.

Поян шыже

Мылам шыже пеш келша. Пушенге лышташ-влак нарынче да йошкар түсан лийыныт. Нуно шийла волгалтыт. Ончыч шыман пуалше леве мардеж йүштын чучеш. Кайык-шамыч шокшо элышке каят.

Елена ВАСИЛЬЕВА.

Волжский, Сотнур

Тушто

Упшыжо йошкарге, вуйжо ошо. Тар пырчим шуэм, йокма кинде шочеш. Чевер енгай ончылно кумылем тодыльо. Шийым шындем – шёртнё шочеш.



Чиялте.

Толын шуо шёртнё шыже, Койышланен, кугешнен. Чодыралашке, олыклашке Түрлө түсым шавалтен. Пакчашкемже ончалам да Ом ўшане шинчамлан: Онар гае каштаннаже Шога, пүкшым рўзалтен. **Люда КАЛИНИНА.** Параньга, Матародо.

Конкурс



«Шочын пакчаштем»

Кужәнер район Шудымарий гыч **Ангелина ЧУРИКОВА**.
Палыза, тудо мом кучен?

Школыштына шыже пайрем эртыш. Мый кочамын куштымо ужар виноградше да кавун гыч шоншо ешым ыштышым. Пеш мотор да онай лектыч. Ончаш толшо-влак-клан келшенят. Тыге мый икымше верыш лектынам.

Андрей ТЕРЕХОВ.
Шернур, Кукнур.

Н.С.Мухинын произведе-
нийже-влакым палыза:

«Йолагай ден...»
«Нимодымын ...»
«Марий калык,...!»
«Пеледыш – мемнан ...»
«Пият коя, да шылже ...»
«Мом үдет,»
«Ай, кузе»

В.СМИРНОВ ямдылен.


Поланын
ик томжо
ик аскор-
бинке таблет-
кым алмашта.
Поланым кочса
– тазалык-
лан пеш пайдале.



Кече шылын

Түнӧ йүштӧ. Пуйто шыже.
Окна воктен мый шинчем.
Йұрын йұрмыжым ончен,
Эрласе кечым шонкалем.
Шер теммешке йұралеш,
Кас велеш канаш возеш.
Эрла кече саемеш,
Вара модашат лиеш.

Юлия ИВАНОВА.
Кужәнер, Шорсола.



Яра клеткылаште могай емыж-
влак огыт сите? Сүретле.

Тыр-тыр –
пулемёт (кок кид
дене пулемётым ончыклат).

Күшнӧ, күшнӧ самолёт
(кок велым кидым модыклат).
Бац! Артиллерий! (Совым перат.)
Толын кавалерий! Ура! (Кидым
лупшат.)

Айста модына



Ойыртемем му да сүретым чиялте.



Чывиге икымше гана кудывечыш лекте.
Тудлан шукш-влакым муаш полшыза.

Индекс: Марий Элыште,
Пошкырт ден Татарстан
кундемлаште - П4696.
Тираж 1000 экз. Заказ 2064.
Формат – А-4-8.
Директор-тун редактор
Л.В.СЕМЕНОВА.

E-mail: yamde_lii@mari-el.ru,
yamde_lii@mail.ru
Сайтын адресше: yamde-lii.ru,
Тел. 45-25-49(факс);
45-22-82.

выктыме. Типографийн

УЧРЕДИТЕЛЬ-ВЛАК:

Марий Эл Республикы-
се культур, печать да
калык-влакын пашат шо-
тышто министерстве, «Ям-
де лий» газет» кугыжа-
ныш унитарный казенный
предприятий.

Газетым редакцийште погымо да верстатлыме,
«СТРИНГ» ИПФ ООО-што ямде оригинал-макет гыч са-
адресше: 424006, Йошкар-Ола, Строитель урем, 95.

Газетым Массовый коммуникаций
сферыште да культур наследийым ара-
лымаште законодательством шуктен шо-
гымым эскерше Федеральнй службын
Приволжский федеральный округысо у-
правленийыштыже регистрироватлыме.
Номер – ПИ №ФС 18-1999,
2005 ий 10 февральыште пумы.

Печатьыш пумы жап – 14-00,
фактически – 13-00.
Ак – кутырен келшыме
почеш.

Авторын да редакцийн шо-
нымашыш түрлӧ лийын кер-
тыт. Серыш-влак мӧнгеш огыт
колталт.

Редакцийн да издательн
адресше: 424006, Йошкар-Ола,
СССР Вооружённый Вийын 70-ше
идалыкше урем, 20.